



UNIVERSITÄTS-
BIBLIOTHEK
PADERBORN

**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

LXV. De Præposito Monasterii. Præpositi munus Præsul determinet unus,
Ad cujus legem dirigat iste gregem.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

re] habeant, quod cupiant, sive ut habeant causam cupiendi &c. Quem elegantem dicendi modum minus intelligentes alii mirè hîc variant lectionem.

dd) Subaudi ex sensu præced. sic omnia temperet; vel ex initio hujus lectionis, cogitet semper.

ee) Lectio planior, observet.

ff) Seu distribuit.

gg) Matth. 24. & Luc. 12.

22. APRIL. 22. AUG. 22. DECEMB.

CAPUT LXV.

De Præposito Monasterii.

Sæpius quidem contingit, ut per ordinationem Præpositi *a* scandala *b* gravia in Monasterio oriantur, dum *c* sint aliqui maligno spiritu superbiæ inflati, existimantes *d* se secundos Abbates esse, assumentes sibi tyrannidem, scandala nutriunt *e*, & dissensiones in Congregatione faciunt; & maximè in illis locis, ubi ab eodem Sacerdote *f* vel ab eisdem Abbatibus, qui Abbatem ordinant *g*, ab ipsis

ipsis & Præpositus ordinatur. Quòd
quàm sit absurdum, facile advertitur;
quia ab ipso initio ordinationis materia *h*
ei datur superbiendi, dum ei suggeritur
à cogitationibus suis, exitum eum
esse à potestate Abbatis sui, quia ab ipsis
ordinatus est, à quibus & Abbas. Hinc
fuscitantur invidiæ, iræ, rixæ, detractio-
nes, æmulationes *l*, dissensiones, exordi-
nationes *m*: & dum contraria sibi Abbas
Præpositusq; sentiunt; & ipsorum necesse
est sub hac dissensione animas periclitari,
& hi, qui sub ipsis sunt, dum adulantur
partibus, eunt in perditionem. Cujus
periculi malum illos respicit in capite *n*,
qui talis inordinationis *o* se fecerunt au-
thores. Ideoque nos prævidemus expe-
dire propter pacis charitatisque custo-
diam, in Abbatis pendere arbitrio ordi-
nationem Monasterii sui: & si potest fieri,
per Decanos ordinetur, ut antè dispo-
suimus *p*, omnis utilitas Monasterii, pro-
ut Abbas disposuerit; ut, dum pluribus
committitur *q*, unus non superbiat.

a) *Nomen commune omnibus, qui præsent;*
sed usu Monachali appropriatum persona
pri-

primæ post Abbatem, quam sæcula postero-
riora Priorem vocant.

- b) Dicuntur à Theologis dicta vel facta mi-
nùs recta, præbentia alteri occasionem rui-
næ spiritualis.
- c) Id est, eò quòd.
- d) Alii præponunt et; alii qui, & meliùs.
- e) Id est, causant vel dant.
- f) Hoc est, Episcopo ex constitutione juris.
Unde sequens particula iterum sumitur
pro et.
- g) Iste scil. benedicendo, hi verò assistendo.
- h) Ist est, causa vel occasio.
- i) Meliùs, se.
- l) Seu studia prævalendi parti contraria.
- m) Idem, quod inordinationes.
- n) Id est, illis præcipuè imputatur.
- o) Alii legunt Ordinationis; alii, sed mi-
nùs aptè, talibus inordinationibus, vel
in Ordinatione.
- p) Nimirum c. 21.
- q) Subintellige, Monasterium, vel utilitas
seu utilis administratio Monasterii.

23. APRIL

23. APRIL. 23. AUG. 23. DECEMB.

Quòd si aut locus expedit ^ta, aut Congregatio petierit rationabiliter cum humilitate, & Abbas judicaverit expedire; quemcunque elegerit Abbas cum consilio *b* Fratrum timentium Deum *c*, ordinet ipse *d* sibi Præpositum. Qui tamen Præpositus illa agat cum reverentiâ, quæ ab Abbate suo ei injuncta fuerint; nihil contra Abbatis voluntatem & ordinationem faciens: quia quantum Prælatus est cæteris, tantò eum oportet sollicitiùs observare præcepta Regulæ. Qui Præpositus si repertus fuerit vitiosus, aut elatione deceptus superbiæ, aut contemptor sanctæ *e* Regulæ fuerit comprobatus, admoneatur verbis usque quater: si non emendaverit, adhibeatur ei correptio disciplinæ regularis. Quod si neque sic correxerit, tunc dejiciatur de ordine Præposituræ, & alius, qui dignus est, in loco *f* ejus subrogetur. Quòd si & postea in Congregatione quietus & obediens non fuerit, etiam de Monasterio expellatur *g*. Cogitet tamen Abbas, se de omnibus judiciis suis Deo redditurum

rum
dia
a)
b)
p
c)
a
d)
f
e)
in
n
B
r
E
E
d
q
f)
l
g)
h)
n
i)
f
n

rum rationem, nè fortè zeli *h* aut invidia *i* flamma urat animam *l*.

- a) *Id est, ex circumstantiis requirit.*
- b) *Nam qui sapiens est, audit consilia. Prov. 12. Vid. etiam suprà c. 3.*
- c) *Ceteri enim facilè quærent prurientem auribus.*
- d) *Ut vel ex hoc intelligat Præpositus suam subjectionem.*
- e) *Tum participialiter, id est, sancitæ vel inviolabiliter constitutæ; tum etiam nominaliter, eò quòd sit à Spiritu sancto, teste B. V. ad S. Birg. Petro Damiani ac Venerab. B. Hildeg. Sc. ritèque observata Sanctos faciat, adeò, ut Antonio Yopez Sancti Ordinis nostri suo jam tempore excedere videantur numerum quinquaginta quinque millium.*
- f) *Alii omittunt in, alii meliùs legunt, in locum.*
- g) *De quo vid. notata c. 28. lit. g.*
- h) *Putat inordinati, vel provenientes ex animo amaro.*
- i) *Quæ describitur habitus inclinans ad tristitiam de bono alieno quasi proprium bonum vel excellentiam minuente.*

Id

1) *Id est, nè zelus aut invidia ad talem agendi modum inflammet seu incitet.*

24. APRIL. 24. AUG. 24. DECEMB.

CAPUT LXVI.

De ostiariis Monasterii.

Ad portam *a* Monasterii ponatur fenestrix sapiens, qui sciat accipere responsum *b* & reddere; & cujus maturitas *c* non sinat eum vagari. Qui portarius cellam debet habere juxta portam, ut venientes semper presentem inveniunt, à quo responsum accipiant. Et mox ut *d* aliquis pulsaverit, aut pauper clamaverit, Deo gratias *e* respondeat, aut benedicat *f*, & cum omni mansuetudine timoris Dei *g* responsum reddat festinanter cum fervore charitatis. Qui portarius si indiget solatio *h*, juniorem *i* Fratrem accipiat *l*. Monasterium autem, si potest fieri, ita debet construi, ut omnia necessaria, id est, aqua, molendinum *m*, hortus, pistrinum *n*, vel artes diversae intra Monasterium exercentur *o*, ut non
fit